

TAUALUMAGA I ASO TAITASI I TOTONU O LE MAOTA

9:00 i le taeao

TULAFONO TAU FAAOFI PASIA E LE FONO

- Na iloilo auilili, faitauina faatolu ma pasia e le Fono Aoao le Tulafono Tau Faaofi o le Faamasinoga mo Mataupu Faatatau i Aiga 2013.

TULAFONO TAU FAAOFI TUUINA ATU I KOMITI FILIFILIA

- Na faitauina faalua le Tulafono Tau Faaofi o Teuteuga o le Faavae (Nu.2) 2014 ma tuuina atu i le Komiti o Galuega, Tulafono Tumau, Maota Fono ma Mataupu Tau Faiga Palota mo iloiloga

FAATAATIA ESE GALUEGA A LE FONO AOAO

Na faataatia ese galuega a le Fono Aoao i le itula e 1:00 i le aoauli ma na toe amatalia i le itula e 3:00 i le afiafi.

FAAAUAU GALUEGA O LE ASO TAU LE MALO

ILOILOGA O LIPOTI A KOMITI FILIFILIA

- Na iloiloina ma faamaonia e le Fono Aoao le P.P. 2014/2015 Nu. 57, Lipoti a le Komiti Suesue Faapitoa a le Palemene e tusa ai ma le Faatonuga a le Fofoga Fetalai o le aso 21 Iuni 2013 e uiga i Faamaumauga na Tauaaoina e le Sui Usufono mo Gagaemauga Nu. 2 e Faamaonia ai lana Tuuaiga e faasaga i le Matagaluega mo Tupe Maua o le aso 20 Iuni 2013.

TOLOPOINA

Na tolopo taualumaga a le Fono Aoao i le itula e 5:40 i le aoauli, seia aulia le itula e 9:00 i le taeao o le Aso 19 Aukuso 2014.